



次思寶光從兆泥丸中入兆乃口吸神雲  
咽津三過結作三神狀如三清紫衣冠下  
入絳宮穿兩膀胱尾闕穴上入脊髓穿第  
一椎骨入泥丸內宮順時吐息  
誦王經

大洞玉經曰  
太素三華炁 晨登廣靈堂 玉宸表玄籍  
守命孩道康 徊風散萬魔 金符召度卿  
輔衛地戶內 保此長生王

高上消魔王清王祝曰

童子素精 有神有威 合象三形 九道相推  
衣服朱丹 步武崦嵫 出入上元 太極內階  
欲我者長生 存我者不羸 人無哭兆 恃賴辟非  
欲知吾處 密問太微 太微玉帝 三聖徘徊  
使我左右 一合俱飛 混洞六府 日月齊暉

太上玉清王祝曰

九道轉對 五老各寧 洞陽御籍 號曰靈靈  
七世父母 反胎更生 累業積罪 罪泄福生  
上入帝室 受書丹明 常與復原 徘徊冥庭  
巾金佩羽 寶曜負形 玉輪北回 役御朱兵

畢乃口微祝曰

天上內音 明柱于 會和存  
地上外音 扶天命 登明曜

大洞泥九天帝君上一赤子消魔王  
符

訣曰當朱書黃縉佩之存呼赤子內諱名  
字鎮我泥丸之中令死炁沉藏七祖升飛  
上宴  
帝堂乃叩齒九通次咽液三過



上清大洞真經卷之二

上清大洞真經卷之三

茅山清三十八代宗師蔣宗榮校勘

荒七


上清紫精三素君道經第九

絳宮中一元君章

謹請絳宮心丹田官中一元丹皇君神運珠  
字子南丹常守兆項中大椎骨首之戶死炁  
之門使兆百骨受真炁大椎有日光七祖父  
母得道登仙入南極之宮

真思絳宮中一元丹皇君神運珠真炁日  
光之色單於頂上默呪曰

中一真君 號曰運珠 上招日光 灌我形軀  
三真寶曜 固命玉符 壽億萬劫 永無終休  
身生羽服 飛昇天衢



次思日光從兆泥丸中入兆乃口吸神雲  
咽津三過結作一神紅袞見下布絳宮抹  
先入藏者神精光曜盡纏於神身下入臍  
內又入玉莖中却入尾閭穴穿脊髓上入  
第一椎骨首之戶出化為一輪百寶神光

如日之狀其光急轉神在光內不動其神  
背觀順時吐息

誦玉經

大洞玉經曰

紫精育華林 長暎太無外 玉房生寶雲  
九扇胞胎內 帝寶奉五符 三元回紫蓋  
蒼玉城來生 衛此長夜會 五籍既明  
啓昌得期 務玄把籙 奉行四時  
金映兩目 華蓋秀眉 玄母歸雄  
元父合雌 合洞百靈 辟非宣彌  
童子受聽 丹嬰為兒 既絕地下  
福昇仙臺 竟魄容靜 百神合離  
間關帝一 混然俱來  
玉清保仙王祝曰  
天有九毫 不可不分 道有三真 不可去身

帝一變景 萬化以臻 流珠停暉 紫霞踊烟  
七度四路 三光映真 太一精符 相與為親  
司命衡月 噬我重唇 五老銜日 吸我三便  
太上道君 與我纏綿 上造大階 携把太真  
畢乃口微祝曰

天上內音 樂伯勒 飛冥賢  
地上外音 始生王 上道宗

大洞絳宮中一元丹皇君消魔玉符

訣曰當朱書黃縑佩之存呼皇君內諱名  
字鎮我項中首骨鎮靈九孔炁生神固玉  
堂解散七玄既翻然飛玄梁乃叩齒九通  
次咽液三過




青靈陽安元君道經第十

命門下一黃庭元玉章

謹請命門下一黃庭元玉始明精字元陽昌

常守兆兩膊之間車軸之戶死炁之門使兆  
百血凝結神炁不散拔出地戶超度八難  
真恩命門下一黃庭元玉始明精真炁月  
光之色罩於頂上默微呪曰  
下一真元王 號曰始明精 三皇把符命  
金契度仙庭 上招景中炁 炁布灌我形  
羽車曜雲羅 令我昇上清



次思月光從兆泥丸中入兆乃口吸神雲  
咽津三過結作三神一神狀如月帝黃袞  
見二神亦黃衣侍立下入絳宮下真元王  
下入大腸出懸於空中二神入兩膀胱穿  
兩腿髓內下至湧泉穴出兩脚根二神各

負年月倒上合於虛中元王上充腰間車  
軸之戶合為圓月月形無窮映了身形順  
時吐息

誦玉經

大洞玉經曰

青靈扇八炁 鼓輪三華城 拔出胞胎結  
七世受福生 宿對滅五道 長守帝一營  
九徊七度 散此胞根 三皇中朱  
把符命神 赤帝南和 握節上蓮  
併我龜魄 煉精帝前 五符金契  
七玄八仙 慶流雲積 福盈龍泉  
凌梵履昌 日日上言 生籍已明  
五炁合延

高上消魔玉清王祝曰

五藏百結 生此來疾 玄一林虛 開關解結  
結絕病散 神精盈溢 福炁充明 既賢傾竭  
仙心日臻 免道月絕 混化九君 合符帝一  
七神奉符 公子入室  
畢乃口微祝曰  
天上內音 望昌竭 順萬烟

地上外音 連劫生 厥出天

大洞命門下一黃庭元王消魔王符  
訣曰當黃書白繒佩之存呼元王內謹名  
字鎮我兩脰之間內華朗耀百神凝精反  
色嬰童翻然起升乃叩齒九通咽液三過



皇清洞真道君道經第十一

泥丸九真章

謹請泥丸九真帝昌上皇字先靈元宗常守  
此口之四際死炁之門使精光入故炁出神  
光隨身放光萬丈七祖父母羅脫既除生在  
帝君王房之中

真恩泥丸九真帝昌上皇真炁青光萬丈

單於頂上默微呪曰

九真始生 生於上元 號曰先靈 三景各分  
上招玄暉 統布四門 鎮神保仙 拔度七玄  
登景乘浮 朝拜三元



次思青炁從此泥丸中入此乃口吸神雲  
咽津九過結作九大神青袈裟下布一身  
至兩脚底上充五藏滿上充華蓋入兩耳  
入鼻四分入兩目閉目搖睛二七度其神  
逆出泥丸外各帶青光萬丈神高去身五  
丈各口吐一青蓮葉炁上箭結一青華蓋  
順時吐息

誦玉經

大洞玉經曰

皇清洞真 三帝合生 啓明蕭刃 金門披青  
日中赤帝 號曰丹靈 靈符命仙 五籍保生  
虹映玉華 煥落上清 七世父母 系命靈尊  
散此宿對 滅既幽冥 字執五符 太居紫房  
三合地戶下 拔命至帝宮 少女都華字 衛兆七炁隱  
拘制明血液 盈滿五藏充

91 A 1123-1

王清洞明胎王祝曰

七炁雜羅 大混黃寧 六甲輔菟 內注六丁  
三真入胃 流液太明 五符上皇 泥丸常生  
九真下映 日母同耕 游盼徘徊 雙蓋華嬰  
上到紫房 披中羽青 七世父母 各得反生  
畢乃口微祝曰

天上內音 迴素充 吉來靜  
地上外音 大福子 長天生

正奮條 此字元三元者為  
乃攝至此宜思之

大洞泥丸九真帝昌上皇消魔王符

訣曰當青書赤繪佩之存呼九真內諱名  
字鎮我口之四際為我固塞死門九孔受  
靈反胎三天上升帝庭七祖免難更受始  
生乃叩齒九通咽液九過



高上太素君道經第十二

膽中八真章

謹請膽中八真合景君字北臺玄精常守此  
背窮骨之下節死炁之門使兆背窮骨受生  
炁陰邪炁不干下節孔常閉真光映於兆形  
證上清之仙位

真思膽中八真合景君真炁黃雲之色罩

於頂上默微祝曰

八真法神 神生九天 號覽臺君 常在三合關  
招真洞炁 下流布我身 身生紫暉 與帝結親  
携擊五老 太仙纏綿



次思黃炁從兆泥丸中入兆乃口吸神雲  
咽津八過結作八神黃象見穿尾闕上充  
背窮骨下節之戶復出其神羅列兩邊順  
時吐息

誦玉經


大洞玉經曰

高上宴紫霄 五老輔王根 太素拂眇景  
合符帝一前 白帝皓鬱將 迴金太霞鄉  
度我死尸下 拔出三塗梁 圓華黃乃  
太張守關 胎結四開 胞血滅連  
保身冥真 帝一共遷 兆有五載  
各生華根 穢液沉沒 生朱運仙  
九迴會幽 六府曲申 上帝熙怡  
玄母懷歡 玉門生香 蘭室含珍  
月精凌輝 日爽八騫 太一啓珠  
守我面前

高上消魔王清王祝曰

生得帝心 各會重戶內 紫房混五神  
寬繩常寶貴 七關受仙輝 五藏充玉炁  
俱過水火天 披建四和蔚 上歸皇一子  
與兆寬相對  
畢乃口微祝曰  
天上內音 和歸落 結舒永  
地上外音 出常外 萬劫浩

大洞膽中八真合景君消魔王符  
訣曰當黃書白繒佩之存呼合景君內諱  
名字鎮我背窮骨之下為我固錄內真養  
性疑精死炁斷塞受生更形乃叩齒九通  
咽液八過



皇上下老道中君道經第十三


七真玄陽君章

謹請兩腎七真玄陽君字冥光生常守兆背  
之窮骨九地之戶死炁之門使地戶伏生炁  
窮骨受神液六津調滿生根深密

真思腎中七真玄陽君真炁玄雲之色罩

於頂上默微呪曰

七真生帝景 八炁運常寧 上招日中童  
圓珠映我形 徊風混幽府 歸妙大洞經  
拔出地戶難 超凌逸九天



次思玄雲之炁從兆泥丸中入兆乃口吸  
神雲咽津七過結作七神披髮跣足入終  
宮分入兩膀胱穿尾闕穴上充兩腎出背

窮骨順時吐息

誦玉經

大洞玉經曰

皇上超無景

八炁運常寧

液逸元中膜

流曜拔兆形

俱濟三滅關

七世披綠青

世世登王鄉

輪轉九曜生

廣霞參神天

血凝五華平

號為受逸阜

啓籍登太明

解既冥塗下

七祖反胎嬰

徊風混帝心

五帝教日精

體寶圓珠映

亦曰澄澄溥

令我係仙真


起福晨上靈

太上玉清三元王祝曰

太一鬱書 上登洞房 六合三賓 司命神公  
手執籙籍 駕景乘龍 左徊靈曜 右扇神風  
峨峨隱珠 芬艷嬰蒙 浩觀太無 濯煉五通  
澄窺羽幽 鍊魄空同 招兆百神 月帝告功  
七祖順生 景福昌隆 回我老艾 還反玄童  
上對神霄 金光十方 飛馳玉輪 彈金鳴鐘  
畢乃口微祝曰  
天上內音 三樂深 五達門  
地上外音 法輪回 道上生

大洞七真玄陽君消魔王符

訣曰當黃書白繒佩之存呼玄陽君內諱  
名字鎮我背窮骨地戶為我通天生炁固  
塞死道六津凝精長生不老乃叩齒九通  
咽液七過



玉晨太上大道君道經第十四

肺中六真章

謹請肺中六真上元素玉君字梁南中書常守兆頭外十二間梁死炁之門使上帝玉華光映神門之下玉晨正炁流入丹元之宮令

七祖父母解散胎結之滯受生太上之鄉

真思肺中六真上元素玉君真炁白雲之色罩於頂上默微呪曰

六真奕奕 白光映映 回帝之景 上入丹鄉

招真下流 灌我玉霜 羽裙紛紛 衣我仙裳

越過水火 飛登晨京



次思白炁從兆泥丸中入兆乃口吸神雲咽津六過結作六神狀如金星淡碧衣冠

下入絳宮入兩膀胱穿尾闕穴夾脊上入泥丸分兩耳上下入十二間梁之外神面相向立順時吐息

誦玉經

大洞玉經曰

玉晨九天司 太上大道生 常保景化內

九迴鏡上清 解帶玉映室 乘素入四明

携提日中玉 併羽月晨靈 太一召天魔

帝君枝萬精 拔過死積炁 越度仙皇庭

帝立三關上 八風舞神兵 左把福醴液

右提慶源瓶

太素玉清玉祝曰

九合三離 紫房散分 五老正嚴 帝一保神

司命奏籍 奉符三元 胞樹斷落 血尸絕根

反胞朱火 回炁泥丸 我合九仙 大混百神

身登玉房 同耕金仙 逍遙太素 仰回三天

重華列簡 累枝流玄 世為道伯 大福纏綿

上寢玉清 下息命門 五藏秀華 項負日冕

長保劫齡 後天常存

畢乃口微祝曰

天上內音 泓鬱霞 度法全 地上外音 重劫視 滅長苦

大洞肺中六真上元素玉君消魔王符


符

訣曰當朱書黃繪佩之存呼素玉君內諱

名字鎮我十二間梁斷塞死戶固我丹元

披解七祖之冤上生南宮之中乃叩齒六

通咽液六過



太清大道君道經第十五

脾中五真章

謹請脾中五真養光君字太昌子常守兆喉中極根之戶死炁之門使兆玉光金真洞照喉根之內太帝晨炁來往三宮之中

真思脾中五真養光君真炁嬌鶯之色罩於頂上默微呪曰

五真散靈 炁布九玄 金光耀暉 玉炁吐津  
萬神並唱 熙怡我身 圓光養念籍 太一勒九天  
降志八景與 策龍駕紫烟 混合帝室 僂我為劫年



次思玉光金真之炁從兆泥丸中入兆乃  
口吸神雲咽津五過結作五神狀如土星  
下入絳宮分左二右三入兩膀胱穿尾闈  
穴夾脊上入泥丸穿兩臉下布兩極根之  
戶左二右三而住順時吐息  
誦玉經

大洞玉經曰  
三清淨絕空 三天寶神符 口中關五暉  
青帝圓常無 捧籙登太明 受錄金華樓  
五藏植玉根 覓魄一凝和 百神合會  
固身守關 地戶閉塞 死亡不干

檢炁九玄 超越八難 七世父母  
胎結披散 生度南宮中 反胎三積內  
玄母叔火王 為兆得仙位

玉清大道君祝曰

晨登九景臺 夕入神霄門 太一神夫子  
或曰三來笈 左執兆符籍 右携洞陽君  
定生會紫房 五神交渾分 渾分逸帝室  
七祖絕死根 五毒炁零滅 翳津無浮連  
令我血尸化 帝房出金光 三塗絕苦樹  
世世獲天仙 常與景中王 積劫保元元  
畢乃口微祝曰  
天上內音 明考梨 技劫阿  
地上外音 濟無生 得來願

大洞脾中五真養光君消魔王符

訣曰當朱書黃繪佩之存呼養光君內諱  
名字鎮我喉根之戶固塞死門使金真內  
映保華停年領攝三宮安神定炁玉華結  
絡九府胎仙乃叩齒五通咽液五過



太極大道元景君道經第十六

肝中四真章

謹請肝中四真青明君子明輪童子常守兆  
胃脘之戶膏膜之下死炁之門使三素之炁  
生華五薄之神侍衛出入玉液灌澤胃宮  
真思肝中四真青明君真炁青雲之色車  
於頂上乃默祝曰

四真常生 青光華精 徘徊秀朗炁  
沉冥玉景庭 提攜高上元 俯仰要五靈  
披解七葉根 與我係華嬰



次思青炁從兆泥丸中入兆乃口吸神雲  
咽津四過結作四神青衣冠下布胃脘之  
戶膏膜之下神與司命丈人為侍立左三

右二順時吐息  
誦玉經

大洞玉經曰

太極元景王

安來上華京

七玄解重結

俯仰要五靈

俱濟太漢外

三天攝神生

拔出五苦積

累祖絡錦青

兆身升玉堂

養素朝圓明

紫素醫鬱刃

反胎七元庭

徘徊秀華下

五神回孩嬰

高上神霄玉清王祝曰

帝室混身一道萬分 萬分合別 是曰帝一

白帝皓靈 金霞迴日 重冥幽家 藏神化密

把兆五符 與天相畢 玉暉覆蓋 無死無疾

七祖父母 超登丹室 胞根八解 死符絕滅

帝得五元 我回三七 六府煥華 金書羽札

世為真仙 寶錄玄別 華繁曾玄 世無曲折

畢乃口微祝曰

天上內音 徊因明 神初寤

地上外音 暉復安 固止身

大洞肝中四真育明君消魔玉符

訣曰當朱書青繒佩之存呼青明君內諱

名字鎮我胃脘之戶斷死炁於玄門受生  
神於自然固三素於九府明咽玉液以灌  
真乃叩齒四通咽液四過



上清大洞真經卷之三

上清大洞真經卷之四

茅山上清三十八代宗師蔣宗瑛校勘

皇初紫靈元君道經第十七

精血三真章

謹請精血三真元生君字黃寧子玄常守此  
鼻兩孔之下源死炁之門使兆精神宣暢於  
百節血液盈滿於千關萬靈之炁輔護太一  
之寃保身

真思精血中三真元生君真炁赤雲之色  
罩於頂上乃默呪曰

三真煥光 流丹徘徊 離合九景 玉洞金臺  
上招朱皇 五苦靡闕 死報斷落 日寃同飛  
超逸十界 上昇玉階



次思赤炁從兆泥丸中入兆乃口吸神雲  
咽津三過結作三神赤衣冠下布絳宮入